

✓
27-05-2020

CENTRALNA BANKA
BOSNE I HERCEGOVINE
Broj: 150-15-4-311-23/20 MM
Sarajevo, 28.05 2020. godine

Na osnovu člana 69. stav (2) tačka e), člana 70. stav (4) i (6) Zakona o javnim nabavkama («Službeni glasnik BiH», 39/14), člana 50. stav (1) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine, člana 13. stav (3), člana 43. stav (1) i člana 45. stav (1) Pravilnika o javnim nabavama, broj: UV-122-01-1-11/18 RJ od 30. januara 2018. godine, guverner Centralne banke Bosne i Hercegovine donosi

O D L U K U

o poništenju postupka javne nabavke usluga – servisiranje vozila Centralne banke Bosne i Hercegovine Filijale Brčko - LOT 4

Član 1.

Ovom odlukom ponišava se postupak javne nabavke usluga - servisiranje vozila Centralne banke Bosne i Hercegovine Filijale Brčko - LOT 4, putem otvorenog postupka, procijenjene vrijednosti 3.846,00 KM iz razloga što je cijena dostavljene ponude znatno veća od osiguranih sredstava za predmetnu nabavku.

Član 2.

Za realizaciju ove odluke zadužuju se Odjeljenje za javne nabavke Centralnog ureda Centralne banke Bosne i Hercegovine, Odjeljenje za računovodstvo i finansije Centralnog ureda Centralne banke Bosne i Hercegovine i Centralna banka Bosne i Hercegovine Filijala Brčko.

Član 3.

Centralna banka će o rezultatima provedenog postupka javne nabavke obavijestiti ponuđača.

Član 4.

Ova Odluka će se objaviti na web stranici Centralne banke www.cbbh.ba istovremeno sa upućivanjem obavještenja o rezultatima postupka ponuđaču koji je učestvovao u postupku javne nabavke, u skladu sa članom 70. stav (6) Zakona o javnim nabavkama („Službeni glasnik BiH“, broj: 39/14).

O b r a z l o ž e n j e

Postupak javne nabavke usluga – servisiranje vozila za potrebe Centralne banke Bosne i Hercegovine, otvorenim postupkom, pokrenut je Odlukom, broj: 150-15-4-311-2/20 SAK od 21.01.2020. godine, na period od dvije godine.

U skladu s tim, Centralna banka je 04.02.2020. godine na portalu Javnih nabavki objavila Obavještenje o nabavci broj: 1370-1-2-98-3-92/20.

U predviđenom roku za dostavljanje ponuda, do 20.02.2020. godine do 10:00 sati, za LOT 4 istovremeno je dostavljena jedna ponuda ponuđača Brčko gas d.o.o. Banja Luka.

Komisija nadležna za provođenje postupka javne nabavke (u daljem tekstu: Komisija) je izvršila pregled i ocjenu ponude te se upitom, preko Odjeljenja za javne nabavke, obratila Odjeljenju za računovodstvo i finansije, da li postoje obezbijeđena sredstva za finansiranje predmetne nabavke,

MA

J-J

Usp

obzirom da je cijena dostavljene ponude 8.878,84 KM, a procijenjena vrijednost nabavke 3.846,00 KM. U svom odgovoru, Odjeljenje za računovodstvo i finansije je istaklo da u Finansijskom planu za 2020. godinu nisu predviđena finansijska sredstva za dostavljenu ponudu.

Komisija je Zapisnikom o pregledu i ocjeni ponuda, broj: 149-15-4-703-13/20 od 18.05.2020. godine i Izvještajem o radu sa preporukom, broj: 149-15-4-703-14/20 od 18.05.2020. godine, dala preporuku kao u dispozitivu ove odluke.

Cijeneći sve naprijed iznesene činjenice i okolnosti, odlučeno je kao u dispozitivu ove odluke.

Pouka o pravnom lijeku:

Protiv ove odluke može se, u pisanoj formi, uložiti žalba Centralnoj banci Bosne i Hercegovine, u roku od deset dana, od dana dostavljanja ove odluke.

Dostaviti:

- guverneru;
- viceguvernerima;
- Uredu glavnog internog revizora;
- predsjedniku i članovima komisije;
- Centralna banka Bosne i Hercegovine Filijala Brčko
- Odjeljenju za računovodstvo i finansije (original);
- Odjeljenju za javne nabavke (original);
- u spis predmeta (original)

GUVERNER
dr. Senad Softić



MM

ST

4